

Poa pumila Host. In graminosis et pascuis alpinis m. Pirin.

Eragrostis megastachya (Koel.) L.K. f. *conferta* Ten. In graminosis et collinis aridis prope Soflu.

Sofia, 26. X. 1921.

Egy új Rumex-hybrid. — Ueber einen neuen Rumex-Bastard.

(Rumex Hydrolapathum \times confertus = R. hungaricus Bihari).

Irta: } Bihari Gyula (Gyöngyös).
Von: }

Rumex Hydrolapathum \times *confertus* nov. hybr. = *R. hungaricus* Bihari. *Statura* similis *Hydrolapatho*, 1.2–1.5 m. altus. *Radices* extus subfuscae, intus subflavae, forma eis *Hydrolapathi* similes. *Petiole* foliorum radicalium 15–25 cm. longi, costati; *lamina* 30–40 cm. longa, 10–18 cm. lata, late lanceolata, ad basin dilatata et crispa, secus nervum medianum in utraque facie et basi saepe leviter runcinata. *Petiole* et nervi partium inferiorum foliorum pubescentes. *Caulis* intus fistulosus, pars inferior cylindrica et laevis ramis secundariis pubescentibus. *Folia* caulina eis *Hydrolapathi* similia sed inferiora basi lata, fere cordata, summa angusta subvta ad nervos pubescentia. *Inflorescentia* brevis et laxa verticillis paucifloris ramis brevissimis indivisis. *Tepala* interiora 7–10 mm. longa, 4–7 mm. lata, basi recta vel cordata apice liguliforme attenuata, nervatura *Hydrolapathi*, callis in tepalis duobus ad $\frac{2}{3}$ partem tepali decurrentibus et sensim in nervum medianum transeuntibus. *Pedicelli* in parte quinta cauli proximali articulati. *Forma* nucis intermedia inter eas parentum.

Differt a *Hydrolapatho*: *Radicibus* non atris, innovationes multas ferentibus; *forma* foliorum caulinarum atque radicalium, eorum pubescentia, qua nota etiam a *R. obtusifol.* \times *Hydrolapatho* optime distinguitur, differt porro partibus caulis inferioribus laevibus, cylindricis, ramulis brevibus et pubescentibus, tepalis interioribus perigonii cordatis. A *R. conferto* differt petiolis foliorum radicalium costatis, forma foliorum et apicibus acutis; caulibus fistulosis et inflorescentia laxa; partibus superioribus caulis interfoliatis, forma tepalorum interiorum perigonii et callorum.

Reperi prope Mezöcsáth ad stagnum „Énekes“ vocatum, ubi in spatio circa 2 m² extensionis fere 100 folia sed tantum unum caulem fructiferum inveni.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Ungarische Botanische Blätter](#)

Jahr/Year: 1920

Band/Volume: [19](#)

Autor(en)/Author(s): Bihari Gyula

Artikel/Article: [Egy új Rumex-hybrid. — Ueber einen neuen Rumex-Bastard. 40](#)